

TUSHUNCHALAR

5. Ushbu standartda foydalaniladigan terminlar:

Kutilmagan vaziyat — bu shunday vaziyatki, uning pirovard natijasi (foyda yoki zarar) kelgusida bitta yoki bir nechta nomuayyan vaziyatlarning sodir bo‘lish holati bilangina tasdiqlanadi. Ya’ni bunday holatda buxgalteriya balansini tuzilganidan keyin nomuayyan vaziyatlarning sodir bo‘lishi natijasida xo‘jalik sub’yekti foyda oladi yoki zarar ko‘radi.

Buxgalteriya balansini tuzilganidan keyin sodir bo‘ladigan xo‘jalik faoliyatidagi hodisalar — bu ham ko‘ngilli ham ko‘ngilsiz hodisalarki, ular buxgalteriya balansini tuzish sanasi bilan moliyaviy hisobotni e‘lon qilish uchun tasdiqlash sanasi o‘rtasidagi oraliqda yuz beradi.

Bunday hodisalarning ikki turi farqlanadi:

— buxgalteriya balansini tuzish sanasida mavjud bo‘lgan va kelgusida yuz beradigan hodisalar;

— buxgalteriya balansini tuzish sanasida (sanasidan keyin) mavjud bo‘lmagan va kelgusida yuz beradigan hodisalar.